

文苑

北遊日錄

秋月胤繼

余性愛山水、嘗聞九州之地、富山水之勝、耶馬溪爲之巨擘、常欲一往遊其間、而未能也、明治庚寅、從家嚴來後肥熊府、學於高等中學、謂此機不可失、探勝之念益切矣、壬辰之夏、例得休暇、會菊池郡武藤小橋二君、勸余來遊、余曾檢九州之圖、自熊本到耶馬溪者有數道、曰阿蘇道、曰中津道、曰府中道、曰菊池道、而菊池道爲最近於是乎、欲過武藤小橋二君、以及耶馬溪、償素志、請家嚴得允、乃先報二君、以要同行、卜八月六日發、臨發、暴風雨、乃停行、

七日早起、宿雨稍收、陰雲未全散、然余已約二君以前日、約已違、又不可再、奮然振袂起、已出北郭、行一里許、紅、嗽、如金盤、涌出於龍山之頂、混漾映射、快不可言、又二里至御代志村、日已高、火雲爲層、橫塞半空、溽暑蒸人、背汗盎然、步頗窘、從是以東、坂路相望、二里餘至梨本坂、坂臨菊池之水、野稻禾正盛、東北諸山、蜿蜒環繞、村落數點、歷歷可數、亦爲奇觀、降坂行半里餘、至今村、訪武藤君、君喜迎、余謝違約、且勸同游、已而與君訪中山君、談話數刻、又訪小橋君、不在、與二君詣菊池神社、社在隈府市之東端、守山之頂、古菊池氏之居城也、案史、菊池氏出藤原隆家、隆家孫則隆、延久二年、赴肥後、居菊池郡、因氏焉、傳數世、至武時、元弘之變、勤王伐賊、子武重繼父遺志、及元弘帝還幸京師、以父功任肥後守、建武中、從義興、

賊竹下之戰不利而西歸集兵復勤王已而尊氏西走武重弟武敏逆擊之于木津渡武敏  
進攻尊氏于筑前戰多多良濱武重卒弟武光襲職亦能竭心王室奉懷良親王與少貳大  
友連歲構兵屢敗之聲勢大振武光卒子武政受父業服從九國武政卒子武朝襲職及足  
利義滿爲將軍聞菊池氏強盛遣兵來攻終不利嗚呼正成既殉于湊川戰義貞正行前後  
戰沒南風不復振當此時棄義圖存歸足利氏者天下比々皆是獨菊池氏奉將軍宮數世  
立義旗于西陲巍然鎮撫九國以遙應官軍義滿之威武終不能屈焉其忠勇義烈與日月永  
爭光千歲之下能動人不亦宜乎明治維新建祠於其城趾以列官幣社洵有以也山上前  
面曠濶眺望殊宜遠則岡巒四周近則菊池川曲折紆餘稻田參錯其間余聞菊池米天下  
之良種有此灌溉之便兼以土地肥沃不亦宜乎俯仰久之賦二絕曰樹義西陲獨奉王數  
傳如一執心剛山河依舊人安在往事悠悠引感長謂菊池社有感登臨一望欲消魂菊水空環城  
趾奔赫赫精忠如日月聲名永與此山存懷古已謁社特勸二君以耶馬溪行其有家事  
不果二君曰菊池道太難宜取府中道又曰菊水之源距此僅三里幽靜可愛期明日相伴  
因辭社而降途與中山君別武藤君導余謁北宮神社社在北宮村爲鄉社祀菊池氏二祖  
并藏征西將軍軍扇云欲請神官見之會不在社臨菊水大樹環繞頗宜納涼行數丁抵深  
川村路傍有標石刻曰菊之城菊池氏初代居焉以其在深川村因稱深川城云又同時配  
城于四周之山頂以圍守本城云其位置形勢詳圖今尙揭本社案菊池志武政繼封亦受父業服從  
九國時諸將漸沒官軍不振菊池氏獨奉諒謀恢復武政遷城守山當此時深川舊城使赤星氏  
守之神尾城水次關部守之馬渡城蛇塚氏守之打越城林原氏守之西光寺城加黑氏守之增水城西鄉氏守  
之金塚城平山氏守之葛原城伊倉氏守之上林城城氏守之戶崎城鹿鳴氏守之以親王行營竄遠  
守之以環屏四面而市成城當東面水島臺當西面尤爲要害並以重臣遞番守之以親王行營竄遠

不便護從，遷營于守山城北。今唯有石垣，傍有一老檜，藤蔓縈絡其四周，可以微爲趾。行數百步，有一塔，孤立于路傍，無銘，林叢繞之，鮮苔蔽之，雜草茂生，傍亦有一老檜，叢技鬱然。世傳葬菊池氏始祖，則隆處。又行十數步，得菊之池，又傳是菊城之濠，周圍僅六七間，忽視之如潦水，熟視之覺有異，與君談舊，不覺移時，暮色已蒼然，徒涉菊水，則君家也。夜來雷雨頻至。

八日曇，中山君如期至，以陰雨未霽，乃止探源行，因謝二君，向耶馬溪發，至迫間川，舟以渡入。前日大雨，河水暴漲，橋爲落云。行一里半，至臺村，日已高，出村一里，至來民町，町屬山鹿郡，人口三千餘，市街狹隘，無可見者。又一里許，達山鹿驛，人口六千餘，市街頗繁盛，有溫泉，浴客常四集，產傘及扇，以強且廉名。時已午，乃飯于驛亭，少時而發，時天氣全霽，赫日如焚，至津留川，有橋曰池田橋，過之行二里，至三嶽村，汲清泉以取涼，從此以北，道路如砥，而層峯衝天，連亘不絕。又行一里餘，達岩野村，已而足指漸仰，忽攀峻坂，謂之三楠峠，實肥筑之界也。蓋肥筑之山岳，至此而極，峠上有茶店，引清泉供客，水甚冽，纔口之，全身覺冷，乃又賦一絕曰：肥筑境邊山萬重，三楠四近悉高峯。石間乍見清泉出，一掬滿身冷似冬。納涼久之，步步下嶺，地勢漸斜，道多沿山麓，群山回還，蒼翠萬疊，迤邐如列障，經長瀬驛，行三里餘，達兼松驛，夕陽已沉，乃投宿。此驛曾當久留米熊本往還衝路，爲繁盛，今也鐵路既成，旅客過此地者少，非復前日之比。

九日晴，早行，星尚在，半里而渡矢倍川，取路祈禱院，過日吉村，行四里，達府中驛，驛又稱御井，在久留米之東一里，人口二千五百餘，高良山巍然聳於東方，山麓有愛宕社，山嶺有玉

垂宮昔時菊池武光奉懷良親王布陣處云山高坂峻攀援而登十八丁餘而達諸宮山上有茶亭臨曠野西北一面開豁極目千里遙望遠山縹緲俯見稻田曠濶北有筑後川南有矢部川汨乎蕩々鬻乎瀉々紆餘委蛇經營于其內相背而異態其江山之好登臨之樂足以慰數日之疲勞盖好遊之士至此有超然出塵之想乃賦二絕曰極目天陬秀氣鐘心融形釋興偏濃涼風滿袂無炎熱身脫世塵如駕龍西至肥前北筑前高良山上望悠然二郎滾々沾全野禾稻如雲徧漢阡案史正平十四年菊池武光奉懷良親王帥兵八千騎討賊將少貳賴尙陣高良山賴尙帥兵六萬來逆隔筑後川陣相持踰月武光簡壯士三百人緣間道掩擊敵背又分遣子武政等率兵七千夜乘水聲遙破曉與敵二萬人遇殊死戰互有勝敗親王及武光將兵三千大呼直擣敵中堅飛矢如雨親王蒙三創幾危朝官數人禦敵死之親王僅以免武光武政勵聲督衆身先士卒奮戰敵識武光叢矢雨射馬傷而倒乃易之縱橫馳突往返凡十七合所着甲冑被斫墜地馬亦傷危急有一敵將逼之馬上相搏俱落武光遂斬之上其馬蒙其冑復進自卯至酉斬獲數千賴尙大敗走蓋爲空前絕後之大戰武光苦戰之餘尙能搏敵將斃之何其壯哉親王亦能輕身死闘眞元弘帝之皇子也嗚呼菊池氏奉親王間關崎嶇於亂賊之中大小六十餘戰常以寡制衆而其勇戰未有出此右者余今登此山親視其布陣之處俯臨筑後川考山川形勝想見當日之事不覺感激毛髮上指又賦一絕曰誓掃逆臣不顧身八千鐵騎電雷均精忠貫處能摧賊正見功名日日新時已午乃命食休息已而下山復出於府中驛以前路尙遠迫促進步時炎日赫々砂礫悉熱步行頗窘行四里達田主丸驛驛在竹野郡人口三千餘又行二里達吉井驛驛在生葉

